

Q. D. B. V.
DISSERTATIO INAUGURALIS
DE
JURE
AGGRATIANDI.

QUAM
SUB AUSPICIO DIVINO
EX DECRETO
MAGNIFICI ET AMPLISSIMI ICTORVM
ORDINIS IN ILLUSTRI UNIVERSITATE
ARGENTORATIENSIIUM
AD
CONSEQUENDOS SUMMOS IN VTROQUE
IVRE HONORES AC PRIVILEGIA
DOCTORALIA.

PUBLICO AC SOLENNI EXAMINI
SUBIICIT.
JOHANNES GEORGIUS Graff/
Solmenfis.

Ad Diem 12. Octobris horis 1q; consuetis.



ARGENTORATI,

Literis JOHANNIS WILHELMI TIDEMANN.

ANNO M. DC. LXVIII.





*ILLUSTRISSIMIS
COMITIBUS. AC DOMINIS,
DOMINO*

JOHANNI
JOHANNI LUDOVICO
GUSTAPHO ADOLPHO .
WALRADO
FRIDERICO.

Patruis , Fratribus Germanis, ac Patruclibus.
*COMITIBUS NASSOVIÆ, SARÆ-
PONTI, ET SARÆWERDÆ, DOMI-
NIS IN Lahr / Wisbaden ET
Zesseln / &c. &c.*

Omnibus feliciter hoc tempore regnantibus.
Dominis meis Clementissimis.

Dissertationi huic graduali *Illustrissimi*
Comites , ut faveatis, eoque favore
viam clementiæ gratiæque ex innata
illustri

illustri humanitate auctori aperiatis, facile poteritis exorari; Spirat enim ea nil nisi gratiam, qua afflictissimæ quæque personæ, velut dura horrendaque lege percussæ, resuscitari solent. Hinc ego (si forte in virtutes vestras audaci hoc conatu peccavero,) vestrâ fretus gratiâ, eam in fidissimæ subjectionis obedientiæque argumentû, ad Clementiæ Vestræ projectus pedes, deponere ausus fui. Suscipite propterea *Illustrißimi Comites*, hoc quicquid est muneris, eique ultimum saltem benevolentiæ Vestræ concedite locum. Meum erit pro *Illustri familia* imas fundere preces, quo *Vobis* superstitibus, & ea longe fausta superesse queat. Tu Deus exaudi Votum, & Munera benigne nobis commodata, conserva.

Ita vover

Illustriß. VV. Celsitud.

Subjectissimus Servus

JOHANNES GEORGIVS Grass.

DISSERTATIONIS
DE
JURE AGGRATIANDI
Prefatio.

Clementiam Principis in Sacris pariter ac profanis legibus aded commendatam legimus. prov. cap. 29. v. 27. l. ult. C. de donat. inter vir. & uxor. l. 23. pr. C. de Nupt. Nov. 136. princ. *Et ex iis non ita difficile sit Colligere, eam maxime esse de Re Reipub. Clementia enim non tantum honestiores sed & tutiores præstat Principes, Ornamentumque Imperiorum est simul & certissima salus.* Senec. lib. 1. c. 11. & *Firmissimum Imperium quo obediētes gaudent* liv. lib. 8. c. 13. in fin. *Cujus clementia species est non infima Aggratiatio Reorum, quam ex recepta jam longissima Consuetudine Principes laudabiliter sibi vindicarunt, in memoriam sibi revocantes illud, quod Cicer. orat. pro ligar. in fin. ait: Nulla re homines propius ad Deos accedere quam salute hominibus danda.* Hinc illud Poëta.

Pulchrum eminere est inter illustres viros
Consulere patriæ, parcere afflictis, fera
Cæde abstinere, tempus atque iræ dare.

Senec. octav. act. 2. sc. 2.

Et ait idem Senec. 1. de clem. 24. Sicut Medico indecora multa vulnere, ita Principi ac Magistratui multa supplicia ignominie

ignominiosa sunt. De quo jure in presentiarum loco Dissertationis Inauguralis aliquid pro ingenij modulo differere mecum constitui. Præsertim cum nuperrime exantlatis Viriusque Juris examinibus, de quocunque juris articulo, ab Amplissima hac Facultate juridica disputandi licentia mihi concessa sit. Non quod velim aggredi rem novam, sed vel traditis Dd. si nihil addere, saltem iis quantum fieri potest, aliquam adferre lucem. Quicquid igitur landis vel vituperij hoc habeat negotium, Tu lector benevole, si placeat, ei fave. Te Deum, Cui Omnia mea debeo, huic meo proposito gratia Tua adesse ut velis, supplicis desiderio veneror atque exorq.

THESIS I.

VT inoffenso pede progrediamur, de vocabuli significatione pauca præferre operæ pretium erit, verbum *Aggratiandi* illatum potius esse quàm juridicum, (*id est quod non reperiatur in SS. Corpore*) & latinis autoribus approbatum, ex ipsius sono judicare libet, cujus ætymologiam hic diu morari supervacuum erit: Placuit tamen Criminalistis eo communiter uti, ut ubique apud Doctissimos viros usitatissimum reperitur, Habet enim sua quæque scientia vocabula, nec cum vulgo loqui obest, imò utile interdum judicatur uti tali nomine, ex quo res postea, eomelius innotescat, ut est *arg. l. 56. ff. de A. R. D.* Hinc & veteres Jcti aliquando usi sunt verbis non admodum propriis & receptis à probatis scriptoribus, ut: Certiorare, meliorare, certificare, certificatio, specificatio, & alia multa, de quibus *Tiraquell. de utr. Retr. in præfat. n. 34.*

II. Quicquid sit, habet tamen in jure nostro Civil. Aggratiationis vocabulum sua synonyma, & idem signifi-

significat ac in jure Indulgentia, §. 6. *Inst. de I. N. G. & C. l. i. ff. de const. princ. §. i. Inst. quib. mod. jus patrie pot. Toll.* Interdum vocari solet condonatio, seu impunitas delictorum. *l. 51. ff. ad leg. aquil.* Item poenæ remissio, mitigatio poenarum, venia delicti, Impunitas facinoris; *l. 5. ff. de poen.* Relaxatio poenæ. *l. 31. ff. eod.* In jure feudali dicitur; gratiam facere 2. *feud. 32.* quo collimat vernacula nostra: *Genadebriung / begnadigung der Maleficanen. Besold. in thes. pract. hoc verbo.*

III. Juris hujus origo licet certo non constet, longissima tamen observantia nritur, quod vel ex ipsa Sacra Scriptura colligitur, in passione Christi; unde patet moris fuisse apud judæos, ut judex politicus ad Instantiam populi quotannis in festo paschatis facinorosum, qui morte mulctari meruerat, quempiam, ab ipso populo electum, dimittere & relaxare debuerit; Hinc Pilati, Christum, utpote innocentem & prorsus innoxium, liberare cupientis, verba; per modum consilii prolata: Vultis ut pro consuetudine vestra cum Vobis dimittam: *Matth. 27. vers. 15. 7. & 9. Luc. 23. v. 17. Joh. 18. v. pen.* Ex quibus locis non obscure præsumi potest, morem hunc ab observatione Anni Jubilæi Populi Israelitici descendere; *Deut. 15. & not. Cass. Sibel. oper. Theol. tom. 3. in passione Christi, & Wisenbach. not. nomic. Philolog. in passione Christi vers. 15. in fin.* Judæos hac recepta consuetudine in memoriam sibi revocare voluisse liberationem majorum suorum ex diuturna servitute Ægyptiaca, Hanc tamen consuetudinem irrationabilem fuisse tradunt supra citati autores; Apud Romanos idem obtinuisse constat ex *Plutarch. in Numa tom. i. oper. num. 119.* Hodie apud nos Rei in festis solennibus non relaxantur, & sic non servatur in praxi. *l. 3. C. de Episc. audient. In Italia ta-*

lia tamen adhuc servari, testis est *Clar. §. fin. quest. 46. Menoch. 2. A. I. Q. 303. num 38.*

IV. Præterea jus hoc Aggratiandi utilitate sua non destituitur, non parum enim juvat Remp. Clementia Principis, (prout in privat. dict.) Nec sua destituitur justitiâ, ligitéque, præsuppositis tamen terminis habilibus, exerceri potest; Quod vel inde probatur. Quia etiam judex potestatem & arbitrium habet pœnam legitimam remittendi vel mitigandi, & quidem ex hac probatione manifesta: Committuntur enim delicta diversis qualitatibus & circumstantiis, ex quibus crimen ipsum quandoque sit excusabile, quandoque autem magis atrox & odiosum *l. 4. C. ad leg. jul. de Adult. quas Circumstantias & qualitates cum lex ipsa exprimere non potuerit, sed quasdam tantummodo definierit, rectissime judici hanc facultatem & arbitrium dedit, ut secundum facti contingentiam pœnas ex arbitrio minuire vel mutare, quandoque etiam augere queat, ne scilicet gravior vel mitior pœna quam par est irrogetur, sed justa ratione delicto commensuretur, illiusque qualitati debita proportione correspondeat. l. 22. C. de pan. l. 11. ff. cod.*

V. Adjuvant hanc sententiam expressi juris textus, sic disertis eam comprobant verbis *Vlp. in l. 13. ff. de pan. Martianus in l. 11. ff. cod. Imp. Severus & Anton. in l. 3. C. ex quibus caus. infam. l. 13. §. 7. de re Militar.* Ex quibus omnibus justa de causa rigorem legis in decernenda pœna temperare licere, hæud obscure colligi potest, quibus adde *P. H. D. Carol. V. art. 159. verb. Der son / nach gelegenheit der Person / vnd ermessigung des Richters / in andere wege gesiraffe werden. Artic. 167. Der ist nach gelegenheit der sachen nach Rath der Richter gelährt*

gelährten zu straffen/ *add. Mynf. cent. 2. obs. 30. Didac. Covarr. lib. 2. var. resol. cap. 9. num. 8. Gail. de P. P. lib. 2. c. 9. num. 22. Dn. Struv. Syntag. Jur. Civ. exercit. 1. th. 29. 30. & seqq.* Contrariæ tamen opinionis, pœnam nimirum jure determinatam nullatenus vel remissione, vel diminutione tolli vel mutari posse, multi reperiuntur: quorum fundamentum positum in *l. 95. §. 7. ff. de solut. l. 51. ad leg. Aquil. l. 32. ff. de pœn. l. 33. ff. de re jud. l. 1. C. ad leg. jul. repet. Cap. ut Clericorum extr. de vit. & honest. Cler. & multis aliis: Quorum argumentis eleganter satisfacit Dn. Carpzov. prax. Crim. quest. 147. part. 3. per tot. qua propter in iis resolvendis hic diu morari non est necessarium.*

VI: Hisce necessario præmissis, libet nunc ad ipsam definitionem accedere, de qua hac thesi quoque erimus solliciti, potest ea nostro judicio talis esse: Jus Aggratiandi, est justa ordinariæ five expressæ in legibus definitæ pœnæ, ob veram quandam rationem, ab absoluta potestate, per remissionem gratuito facta derogatio. *Schast. Alers Tract. sing. pag. 18. dicimus, derogatio, quæ generis loco est, videtur enim derogare ei, quod leges expresse aliâs volunt & constituunt: dicimus gratuita. Coactus enim & accepto pretio Veniam concedens, non vera denominari potest venia.*

VII. Dividimus hanc Aggratiationem ratione finis & intentionis, in plenam & minus plenam: illam dicimus, si pœna LL. statuta plane remittitur, qua impetrata, reus ita liber fit ac si nunquam peccasset, & vocari potest *Remissa, venia*. Hanc, ubi mitigatio
B aliqua

aliqua vel etiam poenæ transmutatio non tamen plane remissio conceditur, & dicitur, *mitigatio. add. th. 2.*

VIII. Utraque aggratiationis species competit ratione absolutæ potestatis, prout in defin. dictum, proprie soli Principi supremo, ut Symbolum & character Regiæ summæque præminentia, *l. 4. l. 27. ff. de pæn. l. 1. §. 10 ff. de postul. l. 7. C. de prec. Imp. offer. l. 12. C. de sentent. pass.* Quo sensu Principibus, Comitibus, aliisque superiorem recognoscentibus jus hoc denegatur, prout docet Peregrin. *de jur. fife. lib. 4. cap. 4. & c. 8. num. 19. & seq.* Soli ergò dum Principi jus Aggratiandi adscribimus, rectissime illud inter Regalia seu jura Majestatis referimus, juxta communem & veriore Dd. opinionem: Sixtin. *de Regal. lib. 1. cap. 2. num. 16.* Carpzov. *pract. Crim. part. 3. quest. 150. num. 14.* & egregium quoddam Regale ac præcipuum caput Majestatis vocatur à Bodino *lib. 1. de Rep. cap. 10.*

IX. De qua supremi Principis Majestate cum hodie in nostro Imperio Principes inferiores, Duces & Comites participant, & Regalia vigore juris territorialis, de quo ab Imperat. investiti, teneant, (cò namque hodie res devenit, ut Illi qui habent jura superioritatis, plerumque etiam Regaliorum sint Domini, ut ex usu hodierno Germaniæ eadem permisceantur, Matth. Steph. *de jurid. lib. 2. pag. 1. cap. 2. num. 202.*) Jisdem quoque jus remittendi poenas jure territoriali, & ex analogia quadam cum Imperatore Majestate, competit, ac proinde eos non minus ac Ipsum Imperatorem Reis veniam poenæ largiri posse certum est, Bodin. *de Rep. lib. 1. cap. 10. n. 264. & seq.* Dn. Carpzov. *d. l. n. 21. & ad legem Reg. German. cap. 9. sect. II. n. 24.* Dn. Struv. *Exerc. Feud. 6. aphor. 14. num. 2. B. I. de anno 1526. §. Und wie wohl 6. & §. 8.*

§. 8. Es soll auch, Dn. Limnæus de J. P. lib. 4. tom. 1. cap. 8. num. 26.

X. Nec excluduntur ab hoc jure Barones, Libera Imperii Civitates, ut reliqui Status Imperii, æquali cum superioribus jure fruenter: sicut nec Nobiles, modo habeant jurisdictionem, ut vocant, superiorem, deque ea in specie cum Regalibus sint investiti: Ei enim, qui in genere cum jurisdictione, *Wie den Gerichten* / est investitus, non simul intelligitur concessa jurisdictio superior, *die Obergerichte / Halsgerichte* / nec proinde Jus Aggratiandi ei concessum videtur; Licet enim jurisdictionis appellatio præsertim secundum usum hodiernum videatur esse generalis, quia tamen singularis illa species, jurisdictionis sc. Criminalis, ob magis graves & arduas, quas continet causas, specialem requirit concessionem, Ideo jurisdictionis appellatione in dubio solum videtur concessa inferior. Dn. Carpz. *Disp. feud. 4. th. 24.* Dn. Struv. *Synt. Jur. Feud. cap. 6. aph. 18. num. 4.*

XI. Et hoc, si Principum, Ducum vel Comitum, &c. subdiri in eorum territoriis delinquant, tunc enim quilibet vigore jurisdictionis poenam remittere vel minuere potest; Secus si status aliquis Impetio immediate subjectus delinquat, quo in casu quemadmodum coram Imperatore conveniendus est, sive in suo, sive in alieno delinquat territorio, Ummius *Disp. 4. ad proc. jud. direct. th. 2. num. 9.* ita & ab Imperatore tantum Aggratiationem expectare debet, sine concurrentia aliorum Statuum, Dn. Limnæus *tom. 1. lib. 4. cap. 8. num. 103. & seqq.* Secus est in Bannitis, quibus cum Imperator solus bannum indicare non possit, sed conjunctum demum cum consensu Electorum eorum scil. qui

de Crimine non participant, Capit. Ferdin. III. *artic. 30.* ibi: Und ohne Vorwissen / Nakt vnd Verwilligung des H. Reichs Churfürst. n. / welche sich des w. raths nicht theilhaftig gemacht &c. Nec eos sine horum consensu absolvere potest, quod à contrario horum verborum sensu argumētari licet. Cujus juris enim est actus ejus quoque sit distractus. add. Dn. D. Schütz. in Jur. Publ. & eodem modo quid solvitur quo constitutum est *arg. § 1. Inst. quibus modis toll. oblig. add. Gail. de pp. cap. XVIII.*

XII. Vacante S. Imperio quod videl. morte Imperatoris, aliove quovis legitimo, impedimento, imò tunc etiam fieri consuevit, quando peregre Imperat. abierit, nullo post se mandatario relicto, Vicarii eo funguntur officio, & quia tum temporis tantum possunt, quantum Ipse Imperator, Dn. D. Schütz. de Vicar. *th. 12. & l. 2. C. de offic. ej. qui. Vic. al. jud.* Idèò his quoque Jus Aggratiandi competere asserimus; Generaliter enim verum est, in non prohibitis potestatem illorum cum Imperatoria eandem esse, & Imperatoris personam repræsentare eos, Braudl. *lib. 3. c. 3. §. 11. & 15. Dan. Otto c. 16. Quorum jura in A. B. tit. 5. partim expressa sunt, non expressa verò ex Generali Vicariæ potestatis concessione hauriri oportet, & solent duò illi in A. B. exceptionis loco expressi casus, confirmare Regulam in casibus non exceptis Dn. Schütz d. l. Diff. Dn. Limnæus in Jur. Publ. lib. 3. c. 12. n. 80. qui speciale ad hoc mandatum desiderat.*

XIII. Quæ in præcedentibus de Statibus Imperii ejusque Vicariis dicta sunt, ea quoque ad Episcopos utpote Principes Imperii potestate omnigena pollentes accommodantur, solent enim Hi, quam primum ad talem dignitatem per electionem Capituli evehuntur, de Regalibus, privilegiis & beneficiis, instar reliquorum Princi-

Principum secularium, in bonis quæ ab Imperatore & Imperio habent, investiri. Idem dicendum de Collegiis Canonorum liberis. *Von den freyen Kayserlichen hohen Stiften* / de quibus, vid. Gail. *Obs* 30. num. 9. Pontificis verò potestas quousque in hoc casu se extendat, facile cognoverit, qui, quàm minimam ille extra territorium suum habet potestatem, non ignorat. Quo jure ex concessio ipsis privilegio Cardinales hodie quoque gaudere refert Limn. de i. p. tom. 1. lib. 4. c. 8. n. 273. ut si obviam fiant illi, qui ad supplicium ducitur, impositione pilei sui, immunem à constituta pœna faciant, Unde ex Coepolla & aliis cautelæ loco tradit *Oldeslop.* *obs.* *Crim.* tit. 5. *obs.* 4. pr. Quando Criminosus ad supplicium ducitur, curari debere perejus amicos vel cognatos, ut illud fiat, unde transitus est alicujus Cardinalis. Quale tamen privilegium, nisi modus observetur secundum th. 17. atro notamus carbone.

XIV. Lubet hic occasione thesis proximæ cum præcedentibus, quamvis non nihil extra ordinem, hanc subijcere quæstionem: An Judex Ecclesiasticus (etiã in delictis communis fori) imponendo pœnitentiam, *Kirchenbus* / vel Criminosum publicum ab ipsa absolvendo, eique gratiam concedendo, Judici Seculari quoad pœnam politicam vel Jus Aggratiandi præjudicet? Quod negandum; cum utriusque Magistratus jurisdictio violata ac offensa sit, utrique quoque pro qualitate ac modo jurisdictionis pœnam vel imponere, vel remittere liberum crit; Nec præventio in uno foro facta, impedit, quo minus postea Reus etiã ad alterum puniendus vel remittendus, trahi possit. Caspar Leopold. *de concurr. jurisd. quæst. ult.* Tendunt enim duplicata hæ pœnæ ad diversos effectus, Spiritualis ut animæ,

Secularis ut Reip, consulatur. Hinc absolutum in foro pœnitentiali, siue conscientia, posse de eodem delicto accusari in foro contentioso, cum per pœnitentiam quis non desinat esse nocens *l. 17. §. 1. ff. de edil. Edict. & quamvis Gail. lib. 2. de PP. cap. 11. n. 27.* quoad tollendam pœnampoliticam distinguat, utrum Sacerdotalis pœnitentia fuerit publica vel privata: ut per istam illa simul tollatur, non verò per hanc, usus tamen indistinctè contrarium observat. Panorm. *in cap. de his de accus. c. tua n. 5. de procur.*

XV. Inferiorum iudicam ac Magistratum longe alia est ratio, hi enim iudicata mutare nequeunt, *l. 55. ff. de Re jud.* Sed potius pronuntiata sapientium sequi & pœnas executioni mandare tenentur, *P. 2. D. art. 160. §. Und diemwil.* Finckelthaus *obs. 49. n. 8.* Facti quidem quæstio in arbitrio est iudicantis, pœnæ autem persecutio legis auctoritati reservatur, *l. 1. §. 4. C. ad SCTum. Turpill. l. 8. §. 2. c. ad leg. jul. de vi. publ.* accedit quod Jus Aggratiandi Regalibus annumeretur, Sixtin. *de Regal. lib. 1. c. 2. n. 7.* quibus utique Magistratus Inferiores destituantur. Menoch. *A. I. Q. lib. 1. quæst. 96.* Dn. Carpz. *d. q. 150. n. 49.* Ex quibus quæstionem illam, An Iudex impunitatem Reo permittere, & promissam servare possit? negativè decidimus: Promisit enim id, cujus præstatio in ejus potestate non consistit, cum judicare debeat, & coërcere delicta, non veniam eorundè concedere. Treutl. vol. 1. D. 6. *th. 2. tit. 4.* ubi Bach. addit iudicem talem impunitatem promittendo non rectè agere, neque probandam Cautelam hanc, ut eo modo confessio Rei eliciatur, cui aliàs minustribuendum videtur, quod non tam conscientia, quàm promissionis fiducia, ut carcere quam primū liberetur, confessus præsumi

sumi potest. vid. Bronch. ad Reg. Jur. in l. 6. qui contrarium defendit. Gothofr. ad. d. l.

XVI. Quid tamen si Magistratus merum solummodo habeat Imperium? Et Huic quoque jus hoc denegatum volunt, hinc Nobiles aut Magistratus oppidanos absque speciali venia & concessione superioris, Reis gratiam facere, & poenam mortis severiorem mitigare, atque gladii supplicium mutare non posse, certum est, quod multo magis procedit in remissione totali, & in iis poenis quæ ultimū supplicium conjunctum habent; In iis verò quæ corpus quidem affligunt, mortem tamen non inferunt, quin remissionem vel mitigationem talis Magistratus concedere possit, non dubitandum, in his enim ut & in poenis civilibus, relegatione, incarceratione, pecuniaria poenâ, ac in omnibus quæ arbitrariæ sunt, mitigatio vel alteratio admittitur, l. 1. ff. de neg. gest. l. 16. ff. de poen. l. 34. §. 8. ff. de jur. jur. Carpzov. d. q. num. 75. & 85.

XVII. Ne tamen Superior, in consulto planè animo ac temerario ausu, Clementiæ gloriam affectet, nudoque voluntatis arbitrio ad laudabile hoc gratiæ genus profiliat, perpenso omnia iudicio facere debet. l. ii. ff. de poen. Et generatim ita Jus Aggratiandi exercendum, ne iustitia & gratia confundantur, Zepper. de Jur. Aggrati. n. 29. Hinc Principi in delictis, Lege Divina severe prohibitis, omnem remittendi vel mitigandi potestatem denegamus, veluti est homicidium, Adulterium, Blasphemia, Sodomia &c. quia enim horum criminū Reos Jus Divinum morte punire jubet, ne quidem Summus Princeps hoc casu mortis supplicium remittere potest. Quis enim inter Principes Religiosos dimittet Homicidam dolosum impune, cum hic poenam ab ipso Deo, cui omnes populi omnes Principes subiecti, constituta habeat;

habeat; Audi enim quisquies Superior Deū intonantem & imperative loquentem. 9. v. 5. 6. *Wer Menschenblut vergießt, dessen Blut soll wieder vergessen werden;* Et caveant sibi Principes ne in eandem pœnam Reo remissam incurrant. vid. 3. *Reg.* 20. v. 42. quo referri potest quod Henricus IV. Galliarum Rex roganti alicui veniā respondit: *Je ne veux pas pour l'amour de vous charger sur moyce malheureux Crime, dont il me faudroit un jour rendre compte devant Dieu. auteur d'utile & salut. advis. au Roy pag. 20.* Imo & nominatim in hisce delictis misericordiæ species improbatur, Deut. 13. v. 8. *Hebr.* 10. v. 28.

XVIII. Hæc ita obtinent, quando nullæ circumstantiæ urgentes adsunt, quæ remissionem vel mitigationem suadeant: Etenim causæ interdum occurrere possunt, in quibus illud quod Lege Divina capitale est, ex circumstantiis, facto vel delicto accidentibus ita leve efficiatur, ut non nisi à sanguinario Dracone capitaliter puniatur. Zepper. *dict. tract. de Iur. Aggrat.* Dn. Carpzov. *d. quest.*

XIX. Legibus tamen Mosaicis custodiendis ad eò arcte non adstringimur, has enim (præter eas quæ à jure Divino non solum populo judaico, sed omnibus hominibus severissime constituta sunt, & vocantur leges morales) vel non attendere, vel ab iis in quibusdam saltem recedere licet. Si enim Principi pœnam ibidem jure Divino pecuniariam saltem, in capitalem mutare licet, quidni & eâ lege capitalem in mitiorem convertere permissum erit, id quod in pœna adulterii ubique vere practicari videmus, add. Bach, ad Treutl. *vol. 2. D. 30. th. 3. lit. G. in fin.* ad hæc facit respons. facult. Theol. in Salana: anno 1640. Referente Dn. Struv. in Syntag. Jur. Civ. *Das in euserlichen Bestraffungen / dieser vnd anderer abelshaten / die Weltsliche Obrigkeit / ihre gewisse / von*

von Kayser Carolo V. vnd sonsten geordnete Gesäze / vnd peinliche Halsgerichtes: Ordnung habe / nach welcher Sie sich zurichten / Gewissens halben aber nicht verbunden sey / nach denen im Gesäz Moisis dem Jüdischen Volk vnd Land gemachten Gesäzen præcisè vnd auffo aller genaueste / sich zu confirmiren vnd zurichten &c. Sed concessio, nullâ præcisâ necessitate Magistratum Christianum ad istarum LL. observantiam adstringi, recte tamen facturum Magistratum existimamus, si quam minimum ab hisce recesserit, præsertim iis, quæ communis etiam gentium ratio morte multari concernit, & ipsum Deum habeant autorem, qui errare non potest.

XX. Si quæ verò alia supersunt delicta quæ non natura, non lege Divina, sed humana atque Civili tantum poenam statutam habent, ad ea facilius Jus Aggratiandi accedit, inque iis Princeps vel quilibet Superior clementiam suam remittendo vel mitigando poenam ill. dictatam, tuto & absque animi periculo exercere potest, *l. 4. in fin. l. 31. pr. ff. de pæn.* Et maximè si talia sunt, quæ solum contra Principis jus & personam ejus commissa sunt, *l. anic. C. si quis Imper. maled. l. 2. C. de reb. cred. ut est v. g.* in captura ferarum, contra severiorem Principis prohibitionem; Nulla enim Peccatorum venia laudabilior est, quam cum Princeps injurias sibi privatim illatas ignoscit, illud enim summam misericordiæ, clementiæ, & magnitudinis animi speciem redolet, ac laudem meretur, *d. l. anic.* Hinc Theodosius junior ab amicis interrogatus: Cur neminem communi qui ipsum læssissent, capite plecteret? Respondisse fertur: Utinam mihi liceret & mortuos ad vitam revocare. *Dn. Limn. tom. 1. lib. 4. l. P. cap. 3. num. 84.*

XXI. Quod si tamen contra securitatem publicam, vel in Ipsius Reip. detrimentum scelus patratum sit, non nisi magna & prægnans causa Principem ad gratiam inducat, metuendum enim esset, ne hac impunitate fontibus sine magna causa concessa, graves populi de neglectu justitiæ, Princeps quarèlas, in se exfuset, & tandem impotentes hominum animos adversus se, propriamque salutem, ad vindictam commoveat, ceu multos Principes eam ob causam, de medio sublato esse testantur plurima exempla, passim in historiis obvia: Sic de Philippi Maced. Regis interitu commemorat autor in *supplem. ad Q. Curt. lib. 1. in fin.* Dn. Carpov. d. *quest. num. 37.*

XXII. Prout autem altera Aggratiandi species, ubi Superior non prorsus poenam delinquenti remittit, sed eam in mitiorem aliamve corporis afflictivam aut etiam pecuniariam multam commutat, liberius procedit, & multifariæ ac infinitæ sint qualitates & circumstantiæ, quibus superior ad mitigationem commoveri queat, prout etiam facta & crimina varia sunt ac indefinita, Hinc innumeræ verè mitigandarum poenarum causæ ab Interpp. ponuntur, quarum 64. refert Andr. Tiraquell. in *tract. de penis temperandis*, de quibus hic unam vel alteram saltem ob temporis angustiam apponere lubet.

XXIII. Prima Aggratiandi causa est Dignitas, ut sunt I. Nobiles, *cap. ult. extra de penis l. 6. pr. ad leg. jul. pecul. l. ult. ff. de incendi. ruin. naufrag. arg. Recess. Imp. de anno 1512.* Nec obstat. l. 8. c. de *Episcop. & Cler.* Quod tamen limitandum eo casu, ubi Nobilitas aut Dignitas delicta augere solet, l. 14. C. de *pen. l. 6. ff. de Re milit.* vel delictum exeret in contumeliam & dedecus dignitatis;

tis; aliâs si hæc duo absunt, nec qualitas delicti ex Nobilitate & dignitate incrementum accipiat, quoad poenam corporalem, mitius cum Nobilibus & Clarissimis personis, quàm cum ignobilibus & plebeiis agendum; *l. 2. C. ut nemo privat.* Gail. 2. *obs.* 110. num. 45. ubi addit quoad poenam pecuniariam Nobiles intensius, quam ignobiles plectendos esse, Dn. Naurath. *in annot. ad Zoëß. in Cod. de pæn. Andr. Tiraquell. de pæn. mitig. caus.* 31. & *in tract. de Nobil. c. 20. n. 108. & seqq.* Prosper. Far. *quest.* 98. num. 10. & *seqq.* Dissent. Dn. Carpzov. *pract. Crim. quest.* 148. num. 32. & *seqq.*

XXIV. (II.) Ji qui in officio aliquo sunt constituti, est enim communis Dd. conclusio quod officium vel administratio minuat delictum. *l. 6. ff. de public. & vetigal.* Hinc quæri solet vulgo, quâ poenâ sint afficiendi Officiales illi, quos nominamus: **Die Schöfser / Verswalter / Vögte / Vorsteher / Baumeister / Rentmeister / Bölsner / Förster / oder ein jeglicher anderer so zu einem Ampt verordnet.** Si circa officium sibi de mandatum delinquant, vel negligendo, vel intercipiendo, aut in usum suum invertendo pecuniam, eorum fidei creditam? In quo opinionum conflictu, verior est illorum, qui poenam non ordinariam furti, sed extraordinariam & ex arbitrio judicis dependentem infligendam putant, ubi omiſſis aliis rationibus ponderosis, hanc saltem (ut brevior sim) appono: Quia ejusmodi officiales pecuniam vel aliam rem, non apud Dominum & in ejus possessione & custodia adhuc existentem, sed penes se jam constitutam & collocatam occupant, & contrectant: Notum autem est, illum, qui rem apud Dominum adhuc existentem propria autoritate occupat, magis delinquere ratione scandali, quod ex tali facto ve-

rosimiliter promanare potest, quàm si contractet rem ratione negotii, sincere atque integrè contracti, apud se existentem, cum hoc casu non æque magna substat scandali ratio; Et humaniter credi potest, & præsumi, quod officiales qui tractant pecunias Dominorum, non fecerint hoc animo intervertendi, si forte pecunia ipsi fuerint usi, quoniam non ipsam à subditis exactam, & illa ipsa corpora solvere necesse habent, sed satis est præstare tantundem; Et solent insuper personæ esse honoratiores cum quibus mitius agendum. add. Bach, ad Treutl. vol. 2. Disp. 30. th. 1. lit. F. Martin. Naurath, annot. ad Zoes. in Cod. de Crim. pecul.

XXV. Præterea cum in æstimandis veris delictis, maximè considerandum sit, materiale, læsio scilicet sive damnum, & formale vitiositas nimirum actus atque *avopula*, nisi enim hæc accurate & conjunctim perpendas, æqualia delicta æstimabis, homicidium, v. g. dolosum & culposum, Vitiositas autem illa potissimum ponderanda venit ex agentis animo, an scilicet dolo agat, an culpa, qui Dolus cum in multis personis ob imperfectum adhuc animum desit. Hinc (III.) iis qui sunt vel minoris, vel senilis ætatis in delictis maximè succurrendum: Mitius enim puniuntur minores. l. 7. C. de pan. l. 23. ff. de furtis. l. 108. de R. I. Cum Juniores perfectum consilium & iudicium non habeant, & quamvis doli sint capaces, non tamen tantus in iis est affectus, P. H. D. art. 160. ibi: **So der Dieb/ oder Diebin / ihres Alters unter 14. Jahre wehren / die sollen nicht vom Leben zum Tode gerichtet werden.** In quo tamen casu Iudex in supplicio minori irrogando, potius secundum doli capacitatem quam numerum annorum sententiam ferre debet. Refert enim multum in definienda pubertate hominum

num aetates ab invicem distingui, & quo tempore quæque ætas incipiat, definiri. De qua re diversimode docent Dd. *in l. 68. ff. ad leg. falcid.* quapropter certa ætatis Regula in hoc casu poni non potest, sed omnia sapienti Judicis arbitrio relinquenda sunt. add. Zoes. *ad. Cod. tit. de pen.* Quid de infantibus infantæque proximis dicendum explicat Dn. Carpzov. *quest. 143. n. 9. & seqq.* Sic pari jure gaudent seniles, quia hic cum Adolescentibus ratione defectus animi in pari habentur gradu, tum propter debilitatem Corporis, quæ poenam corporis afflictivam iis graviolem facit, præsertim cum talis sit ætas, quæ vere sensum aufert, *l. 2. ff. de termin. moto. l. 3. §. ignoscitur ad Syllan. l. 6. pr. ad leg. jul. pecul. Gail. 2. obs. 110. n. 31. & seq.* à quo vero tempore senes dicantur, arbitrio judicis rectius relinquitur, quam ut certum aliquid hic statuatur, nisi sit septuagenarius, qui absque omni dubio & semper pro sene habendus.

XXVI. Ex quo animi defectu locum facit veniæ Furor, qui delinquentem à poena plane facit immunem, non enim videtur delinquere, qui rationis usu caret, *l. 12. ad leg. Cornel. de sicar. l. 9. §. 2. ff. ad leg. pomp. de parricid. l. 14. ff. de offic. procons. l. 3. §. 1. ff. de injur. l. ult. in fin. de administr. tut. l. 40. de R. I. l. 5. §. 2. ad leg. aquil.* fati enim infelicitas eum excusat; Et hoc defuriosis reverâ; Cum tamen gradus furoris atque dementiæ dentur, nec omnes fatui intellectu careant, licet quandoque obtusior & stupidiior mens existat, quos grossos Dd. appellant, idcò Judex arbitrium suum temperare debet, ut intelligat, quomodo, quæ de vere furiosis & insanis dicta sunt, ad hos etiam accommodet, ut proinde hac in re multum arbitrio judicis sit tribuendum, qui ex ratione & augmento furoris judicium suum in-

formare, sententiam ferre, Reosque punire vel absol-
vere potest. Ord. Crim. Carol. V. *art.* 179. ibi: Würde
von jemand/der Jugend oder ander Gebrächlichkeit hal-
ben / wissenlich seine Sinne nicht hätte / eine Ubelthat
begangen / daß soll mit allen vmbständen an den Drogen
vnd Enden / wie zu ende dieser vnser Ordnung angezei-
get / gelangen / vñd nach Rath derselben / vnd anderer
Verständigen / darinnen gehandelt / oder gestraffe wer-
den / add. Gail. 2. *obs.* 110. *num.* 22. Zoes. ad Cod. *tit. de*
pæn. quæst. 7. & *seqq.*

XXVII. Quibus proxima est Melancholia, quia
ratione imperfecte utuntur illi homines; ab omni ta-
men pœna neutiquam eximi possunt, etsi enim tristitia
multum eos afficiat, eorumque animos perturbet, at-
tamen totam mentis alienationem non inducit, hinc
ab ordinaria saltem pœna in Criminibus excusationem
aliquam præbere, vult. Claud. Bertazz. Dn. Carpozov.
d. quæst. 145. *n.* 61. Item Dormientes, qui nocturnis ob-
ambulationibus in somno delinquant. *arg. l. 1. §. 3. ff. de*
A. P. quo tamen casu dist. Gail. 2. *obs.* 110. *num.* 30. Bach.
vol. 2. *Disp.* 32. *th.* 6. *lit. d. e.* An huc referendus sit æstus
amoris? quod affirmandum, secundum communem
opinionem, est enim furoris species, & Propert. *lib.* 2.
Elegiar. dicit: *sine sensu vivere amantes* add. iterum Gail.
d. obs. *n.* 23. Bach. *eod.* An Ebrietas? Illa scil. quæ mentis
alienationem inducit. *l. 6. §. 7. ff. de Re milit.* est enim in
ebriis aliqua parte & nöluntas, & ignorantia (quamvis
inebriari per se sit actus voluntatis) quod utrumque de-
bet esse mitigandæ pœnæ, nec in obfuscatō per vinum
iudicio verus dolus & propositum esse potest, quapro-
pter impetu magis quam dolo eos peccare constat,
arg. l. 2. 3. C. ad leg. Cornel. de Sicar. l. unic. C. quando lic.
Bach.

Bach. ad Treutl. *vol. 1. D. 6. th. 5. lit. a. & vol. 2. D. 30. th. 6. lit. a.* Gail. & Bach. *supra alleg. loc.* An Calor iracundiae? Affirm. eo casu, quo vel ira ex justa causa atque dolore provenit, vel delinquens iratus à mente plane fuerit alienatus, **Auf einem übermäßigen Zorn** / difficilimum enim est justum animi dolorem temperare *arg. l. 38. §. 8. ad leg. jul. de adult. R. L. Maxim. 1. Wormatia. an. 1495. sub tit. Die Poen derer so auf Hitz oder Zorn schwören.* Dn. Carpzov. *part. 1. prax. Crim. quest. 6. num. 15. 16.* Hinc invasus etiamsi limites moderaminis inculpatæ tutelæ excesserit, tamen non nisi extra ordinem pro judicis arbitrio punitur, Dn. Carpzov. *part. 1. quest. 28. 29. 30. 31. ubi multa tractat.* Huc refer casum, quo per lasciviam quis mortis causam præbuit, puta per jocum. **Wenn ihrer etliche mit einander geschert.** *l. 4. §. 1. ad leg. Cornel. de Sicar.* ubi talis temporalis exilio punitur, vide de plura de hoc casu in Wehnero *in thesaur. pract. verbo Todschlag.*

XXIIX. Faciunt (IV.) Mitigationi locum Bene merita Delinquentiū de Principe, vel Republica, Item Rei militaris maxime gnati, Gail 2. *obs. 110. n. 41.* Quandoque etiam singularis peritia delinquentis, si insigni instructus est arte, Cujus causæ fundamentum ponunt, *in l. ad bestias 31. ff. de pæn.* (quam legem primum Azonem adduxisse refert, Alciat. *lib. 9. parergon. cap. ult.* qui, cum propter homicidium plectendus, jam ad judicium deduceretur, exclamavit ad bestias ad bestias, quo clamore iram judicum, ab eo deludi existimantium ad necem usque concitaverit) Hanc tamen Remissionem, vel mitigationem, non nisi à Principe concedendam esse tradunt Dd. qui hanc suam assertionem ad voluntatem Principis restringunt, ita ut Judex inferior

tior

inferior ex sua ordinaria facultate, ex hac causa poenam delinquentibus condonare, aut minuere non possit, nisi sit loco Principis aut Princeps consentiat. Pro qua sententia judicantur Scabini Lipsienses M. Novemb. anno 1586. So viel die in Eurer Frage vnd des Gefangenen Freunden Schreiben / angezogene Ursachen anlangt / als nemlich / daß der Gefangene ein kunstreicher Meister sein soll / steht es bey der hohen Obrigkeit / ob Sie in ansehung dessen / ihm Gnade erzeigen / vnd die Straff des Strangs lindern wolle. Farin. prax. Crim. p. 3. quest. 98. n. 134. Bocer. tract. de Furt. cap. 1. n. 119. Dn. Carpzov. prax. Crim. quest. 149. p. 3. in fin. Aut interdum Tempora in infligendis & mitigandis poenis considerantur. Fur enim qui tempore famis edulia rapit, à poena si non omni ordinaria, tamen à Corporis inflictiva excusatur, ubi tamen, ut quidam volunt, famis necessitas præcisa & extrema non requiritur. add. Bach. ad Treutl. vol. 2. Disp. 30. th. 3. lit. h. vid. P. N. D. art. 166. Sollen aber maßls.

XXIX. Sic (V.) Reip, nonnunquam interest, si simul deliquerunt multi, à paucissimis justas sumere poenas, reliquos verò aut impune dimittere, vel saltem ordinariam in extraordinariam & leviozem poenam commutare, l. 1. C. ad leg. jul. repet. Quæ remissio vocatur à Seneca de Ira 2. 10. pr. Venia Necessaria; Est enim quandoque ea temporum conditio, isque Rerum Status, ut nemo sit exasperandus, sunt enim ita exigendæ poenæ, ut præveniantur motus, qui facile ex multitudine peccantium exoriri possunt; præveniuntur autem illi, si in noxiorum multitudine dimissa magna manu corruptorum quidam, si ex corruptis corruptissimi puniantur, si denique cum poena paucorum, quæ necessaria

faria est, metus omnium, ne desit exemplum, & tamen impunitas quoque ne excitentur motus, conjungantur. Boxhorn. Disquisit. polit. *cas.* 25.

XXX. Sunt & (VI.) Extra respectum personarum delinquentium aliquæ quædam causæ, ob quas delinquentes remissione fruuntur, & solent hodie multæ in locis exerceri: sunt autem plerumque hæ, Festivitas nimirum & Lætitia Principis in Die matrimonii, Nova in Regno successio, Natalitia sive propria, sive junioris Principis, vid. exempl. Pharaonis Genes. 40. vers. 20. Item Victoria aut ingressus in Urbem, vel ubi Triumphus celebratur. *l. ult. C. de General. abolit.* Ludov. Molina. Jesuita *de j. & j. tract.* 3. *Disp.* 48. *num.* 1. Gratia delinquentis, quâ pollet apud Magnates, Zepper. *tract. de jur. aggrat.* Intercessio apud Superiorem. Occasione cujus hic de illo casu quæri potest: An ad intercessionem puellæ, condemnatum in Matrimonium petentis, venia ei sit tribuenda? Et quamvis hic poenæ tollendæ modus nullibi in legibus sit expressus, quare nec præter juris autoritatē introducendus, præsertim haud absque gravi Reip. præjudicio, rectius tamen arbitrio judicis relinquitur, quando ad intercessionem puellæ venia condemnata sit tribuenda, etenim si honesta puella misericordia permota & amore languida petat delinquentem, ut ipsi nubere liceat, durum admodum esset, hoc ei denegare. Quin, & aliæ circumstantiæ concurrere possunt, quæ hoc casu, judicem, ad sententiam benigniorem commovere debeant. Dn. Carpzov. *d. q. n. 53. ubi* pro hac opinione quædam præjudicia adducit.

XXXI. Quid de insolenti illo & inopinato casu, ubi Fur rupto laqueo ad terram salvus deciderit, dicen-

D

dum

dum sit, hic deducere tempus vetat; Consideratis tamen circumstantiis & ubi dolus Carnificis argui non potest, quin veniæ locus esse possit, non dubitandum, arg. l. 64. de R. I. Illa enim ratio parum urget, quam de hac questione movent Bocerius & Treutl. quod nimirum sententia illa: **Das N. mit dem Strang vom Leben zum Tod zu richten sey.** cum effectu sit accipienda, quoniam ea non aliter fieri potest, nisi manifestam iudicis injuriam arguere velimus, neque tamen ratio illa impedire potest, quo minus ex hypothesei cuiusdam miraculi, non quidem plane liberetur Reus, sed executio interim differatur, Reo in carcerem recepto. Bach. ad Treutl. vol. 2. Diss. 20. thes. 3. lit. G. Bronchorst. ad R. l. 64.

XXXII. Ut vero Principi de causis Juris Aggratiandi inductivis plene constare possit, à parte petentis factum cum omnibus suis causis, circumstantiis, & qualitatibus, fideliter narrari debet, nullis omissis vel falsis additis, ne alias remissionis impetratio pro subter obreptitia habeatur. Unde rescriptum gratiæ, ex subter obreptione impetratum vitiat gratiam, nec Reum quicquam juvat, hinc rescriptum tale productum probari debet à producente, quod, quibus modis fiat videre est ap. Joseph. Mascard. de probat. conclus. 845. An autem causa mitigationis exprimi debeat in sententiâ quæritur? Nos putamus sufficere causam in sententiâ expressam esse in genere, (ut patet, iustis de causis animum nostrum moventibus) licet non ratio causæ verbis exprimatur, causæ enim expressio solum requiritur ad executionem iudicis, ne de Syndicatu conveniatur, non ad sententiæ validitatem & substantiam. Dn. Carpzov. quæst. Crim. 142. num. ult.

XXXIII.

XXXIII. Effectus impetratæ legitimæ gratiæ hic est, Ut vel in totum, vel pro parte, juxta modum impetratæ gratiæ à pœna publica liberetur; *l. 3. C. de General. abolit.* Nec obtentâ semel sine vitio gratiâ in dubium revocari, aut impetrans ulterius molestari possit, & objiciens Crimen à Principe remissum, injuriarum tenetur. *arg. l. unic. C. de famos. libell.* Hinc an bona, honores, & in universum priorem Statum recuperet Reus, extenore sententiæ colligendum est, si enim per indulgentiam Principis extra ordinem veniam consequutus est Reus, tunc persona saltem ejus à pœna libera est æstimata, nec dignitas, bona, & reliqua jura sunt restituta, *l. 2. 4. 5. 6. 7. C. de sentent. pass. & restit.* Cujus generis restitutionem vocant *Generalem*, quæ nihil aliud continet quam quod expressum, *l. 6. C. d. t. Gail. de PP. cap. ult. num. 8. Zoes. 48. ff. 23. num. 6* Secus si per omnia à Principe est restitutus, quo casu tantum reddit indulgentia, quantum abstulit condemnatio; Quæ tamen de bonis hic dicta sunt, hodie amplius non obtinent, cum ea non fisco sed descendantibus & adscendenti- bus ad tertium usque gradum ex Nov. 134. *cap. ult.* Imò juxta jus quod tempore *Irnerij* obtinuit etiam Collateralibus ad eundem gradum si supersint applicentur. *auth. Bona damnat. C. de bon. proscript.* excepto casu, ubi ob delictum bona adhuc confiscari permixsum est; ut est in Crimine læsæ Majest. quem unicum saltem casum, in quo confiscatio bonorum hodie locum habeat, agnoscimus, *d. auth.* Nec obstant. verba *Der P. H. D. art. 218. Außerhalb des Lasters vnser beleydigten Mayestät / oder sonst in andern Fällen.* Quo casu delenda est particula, (vel;) ut hic sit sensus: quod extra læsæ Majest. Crimen in aliis casibus atque delictis confiscatio bonorum cesset,

set, prout hæc verba explicat Georg. Rem. *in nemef. Karul.*

XXXIV. Cum tamen hodie plerisque in locis eo deventum sit, ut publicatio hæc bonorum sola & principaliter loco poenæ imponatur, & optimus jurisdictionis censeatur fructus, ut etiam Criminalitæ de ea lætentur, & impie dicant: *Es haben dieses Jahr über die Brüche oder Geltbußen* (quo vocab. etiam bonorum publicatio intelligitur) *Und sey lob/ ein ehrliches eingen tragen;* Quæritur an per omnia à Principe restitutus recuperet etiam bona interea à Principe alienata? Quod hic negandum, ex ratione, quia Princeps non præsumitur, jus alteri ex contractu venditionis aut donationis quæsitum, auferre velle. Nec debet principale beneficium alijs officere, & jus quæsitum alicui eripi; Quod limitand. Nisi restitutio facta sit disertis verbis etiam quoad bona alienata, maxime ex causa publicæ pacis, quo casu communiter receptum est, jus alteri quæsitum tolli posse. *l. 11. ff. de Evict. l. 15. ff. de R. V.* etiam in dubio, id non censeatur facere. *Zoes. d. l. 7. Gail. 2. obs. de PP. cap. ult. num. 24.* Ubi de bonis absolutorum à banno plenissimè tractat, Idem dicendum de fructibus ex bonis propter delictum confiscatis medio tempore perceptis, *arg. auth. idem de Nestorianis. C. de Heret. l. 22. C. de R. V. Fachin. 1. contrav. 38. Naurath. ad Zoes. d. 7.* Restitutum tamen extantes adhuc, id est, nondum consumptos, *d. l. 22.* officio Judicis repetere posse tradit, *Gail. d. l. num. 35.*

XXXV. Hoc certum est quod grãtia à Principe facta non perimat actionem Civilem, alijs ex delicto competentem, *l. 9. C. de ad leg. Cornel. de fals. l. pen. C. de Calumniat.* Nec facienda ea est in præjudicium tertii, qui juste

iuste suum interesse prosequitur, aut damnum rescari postulat, ex quovis Crimine causatum, ad quod ei jus est quæsitum, quod illi eripi per Principem non potest sine magna iniustitia, est enim in casu, quo facta est gratia, ea stricte intelligenda, unde concessa à Principe, illa accipienda quoad poenam corporalem, vel pecuniariam sisco debitam, non etiam extendetur ad interesse alterius, nisi causa major, id est, publica postulet. Quod si pars durior reconciliationem non admittat, aut gravius æquo interesse petat, potest illi Princeps modum ponere: Zoes. 48. ff. 23. num. 34.

Hæc sunt, Amice Lector, quæ ex Gallia reversus, de hac materia congerere volui. Quicquid hic habes, à festinante calamo profectum est, totus enim in eo sum, ut maturem iter ad Patriam. DEO pro concessa gratia sit Laus & Gloria.

COROLLARIA.

Juramentum Davidis Semeio præstitum, quo impunitatem & vitam ipse promisit 2. Sam. 19 per contrarium filio suo Salomoni præceptum, cum alijs in articulo mortis datû, de non impunitum eum relinquendo, sed maledictionem potius ulciscendo quo de 1. Reg. 2. violatum non fuit.

Infringens alicui colaphum manu contracta, vel pugno, Wit voller Faust / si percussus inde moriatur, consideratis circumstantijs, ab ordinaria homicidij pœna immunis haud est; Secus si hoc factum manu vacua: Wit flacker Hand.

An dubitans usucapere possit. Dist.

Feudum emptum est feudum proprium, ideoque ob deteriorationem amittitur.

L. 45. ff. de Usuris non pugnat, cum L. 48. ff. de A. R. D.

Ad

Ad Illustrissimum
Comitem ac Dominum,

DN. JOHANNEM,
Nassoviae, Saarbrucci, & Saarwerdæ Comi-
tem, Dominum Wisbadenæ & Jtzsteinij. &c.
Dominum meum Clementissimum.

JOHANNES REBHAN, D. COM. P. CÆS.
Coll. Jurid. Senior, Antecess. Ordinar.

SI memor ulterius, Comes Illustrissime, nostri,
legas benignè hæc paucula:
Atque, rogo, credas, quod Te pietate Tuosque
adhuc ut olim percolam:
Nilque magis doleam, quàm quod præstare nequivi,
quæ mens mea exoptaverat.
Arripio idcirco, quæ mi concessa facultas,
occasioque commoda,
Absens versandi Tecum: commendo Tibimet,
Celsissime, hunc civem Tuum.
Ornant namque sagax istum *solertia*, docta
legum scientia, & *fides*.
Ergò submissè precor, ut digneris eundem
Clemens Tuamet gratia.
Officiis nam credendis fidum ipse videbis
Tibi, Tuæque familiæ:
Cujus prosperitas infinita, atque perennis
Felicitas, votum meum.


Scrib. Argentinz. 3. Octob.
A. O. R. cl. 1766 LXIX.

*Ad Nobilissimum Dominum Doctorandum,
Amicum certissimum.*

PRæmia digna capis, cathedram dum scandis hono-
ram:

Sed majora Tibi conferat Aula. Vovet.

Iohannes Nicol. Erhart / I. T. D.



Sunt, quos illecebris maculosam ducere vitam
Adjuvat, & tempus fallere suave mero.

Sunt, qui divitiis inhiant, turpique lucello,

Et quæ præterea mobile Vultus amat.

Ast tua TUI studiis tribuisti tempora honestis

Jure tuò idcirco, præmia laudis habes.

Non TE retraxit labor improbus, ægraque cura,

Quin potius *forti* nixus es *ire pede*.

Namque tui studii monstrat jam publica nobis

Scriptio docta satis, scriptio rara satis.

Ergo præsentem meritò TIBI grator honorem,

Det DEUS id laudi serviat omne Sux.

Ah quoties NOBIS TECUM tractata subibunt,

Et data jucundis tempora multa Joci.

Sed quia fata volunt faustò nunc omine cede,

Collegiique TUI Vive Valeque memor.

Vive, Vale, mundo perge in clarescere, Amice

Vive, sed ut possis vivere ritè. VALE.

Sic Nobilissimo & Clarissimo DN. Candidato Amico
intimo, fratrisque locò colendo, cujus fidem &
sinceram amicitiam peregrinis quoq; in terris satis
expertus est gratulatur

GUILHELM - LUDOVICUS Daser.

LL. Cult.

Scriptum Valle in Valle S. Gregorij

Die 8. Octob. S. N. 1668

Afferrem, quicquid *Muse* liquere, libenter,
 Lingua modo meritis Versibus apta fiet.
 Hisce fave paucis, & me connumera amicis
 Et bene vive *Patris*; Spesque Decusque *Tuis*
 Donec te canum videat, vel Nestoris ætas
 Donec in æterna Pace beatus agas.

*Hæc Nobilissimo Domino Candidato, Agnato
 suo Dilectissimo, in debita parateq; obser-
 vantia sigillum apponere non tam voluit
 quam debuit*

Georgius Albertus Fischerus,
 LL. Stud.

F I N I S.

